

✽ तर 'सरासु' या कवियात श्व परंपरां ची मफु। वैगु
निति प्रत्येक ले 'श्व गुं, पहाड, चा, ग्रन्थकार फूचायका वनाचवंगु
दु।' ... धाथें धाय धा सा श्वप्रवृत्ति भीगु काव्य वःगु हे मनुनि वा
थज्यागु अभिव्यक्तिया दृष्टि स्वयंबले पदने धूंगु काव्य जकनं
श्वयान्होने फाकुसे च्वनी...

—भाजु कृष्ण चन्द्रसि प्रधान
(सितु-अंक ११)

✽ तर 'सरासु' सबंधा न्हूगु दृष्टि कोण, न्हूगु कलां, न्हूगु
शिल्प व न्हूगु अभिव्यक्ति ज्वना दंवयाच्वन । उकिया भाव व
विचार धारा नं थयं स्वहयं मजु..... ।

—भाजु माधवलाल कर्माचार्य
(सितु-अंक १२)

✽ 'सरासु' व्वता जित धाये मास्तेव-ग्रा भीसं चिनाखेंप
आधुनिकतायात कया ल्वासां जिल, मेपितिगु आधुनिक चिनाखेंप
न्होने व्वसां जिल । ... 'सरासु' छगू बौद्धिकताया जागरण
खः । वर्तमान सुथया व्याहांतुलि ख; छगू न्हूगु युगया स्वहालि ख ।

—हिमाम्स थापा
(सितु-अंक-१३)



सनातन



रवि शाक्य, इलाहें, यल

पुणवहोर वैद्य

१०८४ दया श्रेष्ठ सिरपाल छाया

सनास



पासा मुना

पिकाक

पासा मुना

असं भोताहित, दमुबाहा:

(व्याक अधिकार चमिया)

१०८७-न्हूदँया भितुनाय्

न्हापां-१००० दोछि

मू. ४- प्यतका

देव: किका

श्यामलाल श्रेष्ठ

थाक:

मोतिकाजि जुजुकाजि बजाचार्य

“विकाश प्रेस”

५/८७ भोछे न्हूसा: ।

छस:

“सरासु”, ख्वातुग निस्तब्धता चुं दंक तज्याय्
न्हो चिरिक्क संगु बाइगु सःया प्रथम चरण खः ।
धाय “सरासु” मृत्यु व जीवनया प्रतीक सः व
शून्यया चिर त्वापुइ सः संगीतया द्यो तुइतुइ
धाःगु ब्रह्ममुहूर्त खः । उकिं सरासु सुनसानया
विरोधय पिज्वइगु दकले चीसःगु तर दकले न्हापांगु
सःया संगताचरण खः । “सरासु” हे मदुगु पद
शून्य निष्कृतता व निर्जीवताया बोधार्थ प्रतीत
जूवः ।

ध्व सरासु जिगु जीवन निस्तब्धता प्रति
विरोध तथा जिगु सःदाःगु नुगःया भाषा खः ।
फुनावंग जिगु विगत बर्षत पीडाया कुचात जुल ।
थुकिया दुने जिगु पलाः दुइ चाया पलाः नापं दाय्गु
तक नं जि थःत ल्वः मताल । अथे हे जिगु
भविष्यया आशा नं आशंकाया वलय् तिरितिरिमि ।
लक्ष्यहीन पलाखय् भुमि यंकुःह मनु-थौं थः पलाः
तया चवनागु थाय् हसना दुथें ताः । थुलि हे थौं
जिगु चेतना धाय् । यद्यपि थौं जि गत दना चवना
व हे दबू नं माथंमवं, इकुमिकु धाः । खय्फु, जि हे
प्याखं हुले मसःगु, लें मखंगु —

खला सरासु न्हायपं वियमाःगु सः खः । अयनं
ध्व सः खः सुयागु नुगःया, वैसू मनस्थितिया ।
अले धाय् मकंसं चवने मफइगु युधिष्ठिरं
मिस्तय्त बिया तःगु सराःया । थन थुलि हे
न्हथने —

× × ×

अँ.....

छन्हु, प्रेमदाइया प्रेरणाय् ग्वायवं जितः
थ गु उखेलाः थुखेलाः मदय् थुं क गु कवितात
मुना काय्गु ल्हाः दुथे ताल गुक्रिया लिसः थव
'सरासु' थः हे खः । च्वसा पासाया लुखां थवं छुं
चर्चा व संमान ज्वनाः जितः लय्तायकः वइ ।
पासा दुर्गालाल व दबलकाजी थ गु पसलय्
'सरासु' याकनं "पासा मुना" पाखें पिदनेगु उत्सुकता
न्ह्यथनी, लिसलय् जि लय्ताय् - कन्हे हे दबलदाइ
नातिबज् सरासुयात भिंगु भोँ माः वनी, सफूया
डिजाइन बिचाः याइ, प्रेसय् व्वां जुइ । ज्वरं
नकतिनि तोतूछा ईश्वरानन्ददाइ ताउतक इकुक्
सरासुइ व्याकरणया मिखां तिफ्याइ - पासा पुष्प
चित्रकार क्लेजय् नं मिसिन प्रूफ घाना जुइ, द्रंगु
चिन्ता फाइ, अथे हे नवोदित कलाकार श्यामलालं
थः गु कलाया डिजाइन जितः कयंवइ, अर्थं पिना
कनी - कृष्णचन्द्रदाई न्ह्यो लथ्याना भूमिका ग्वइ -
आखिरे पासापिनिगु वरद ल्हातं "सरासु" सफू
जुयाः हे लथनी । जिगु नुगलय् - अँ... जीवनया
लुमन्ति ख्यलय् गुबलें महुइगु सहभावना व
कृतज्ञताया धो छुधो किया वनी । जि थुयावइ स्वां
स्वयाः गथुया महत्व, महानता । विशेषयानाः थौं
मीगु साहित्ये मि स्वयाः मिग्वला विइगु ल्हाया
मू.....

धन्यवाद
चवमि

भूमिका

गबलें गबलें मव्वनाम्ह भाजु पूर्णबहादुरया कवि, गबलें
गबलें म्हुमस्यूम्ह कविया पूर्णबहादुर - निम्हेसितं छकलं
म्हसीका 'सरासु' या दबुली ।

न्हापांया छगू परिचयं हे जितः थिल - कत्तिक ल्हा
ज्वंथें, याउँक नुगः थ्यू थें, सिचुक लोय् कोला थें । वइगु
स्पर्श जिगु थौं मूर्तिमान जू थें ताल - उकी हे लेहेंपुया च्वं थें
जिगु जीवन, जि स्वाना च्वनागु संसार, जि खनानं थुइके
मफुगु जिगु सत्य, अले जि थः हे नं ।

१०८४ दँया श्रेष्ठ सिरपा 'सरासु' त्याकल अवश्य ।
सरासुया निंति थव गौरवया खँ जुइ । (थथे बराबर सिरपा
त्याकीतिनि, त्याका वइचवंगु नं खः - सुनां मस्यू) अकिं
लुमंके बःगु खँ छु धासा १०८४ दँया महत्व पात्रे मदइवंसां
मीगु काव्ये अंकित जूगु 'सरासु' या थव दँ धो थें किया छगू
मेगु अध्यायया प्रारम्भया रूपे उल्लेखनीय जुइ ।

अथवा थुकथं धाय् । आ कविताय् मेगु धाः न्हात, मेगु ह्युपा वल, थुकिया आञ्जु जुइ थ्व हे 'सरासु' या दँ १०८४—
आधुनिक कविताय् मूपुलेत स्वःगु न्हापां न्हापांया पला ।

खः थ्व न्हापां न्हापांया पला जक । तर पला हे मखा—
गबले दित ? छक्वः छक्वः पला दनिबले सृष्टि उसि सना है ।
छक्वः छक्वः पला छीबले घुसुं न्हावं थें युग न्हिला है ।

थज्यागु हे पला तल छक्वः म्ही आञ्जु नं— गबले सुनानं
मतःगु थासे, मवंगु व मन्हुगु थासे न्हापां न्हापांया पला ।
पला थ्व छपला आञ्जुया, गुलि संगीतमय, यचुसे-बुलुसे
यचुसे-बुलुसे—छुं धै च्वं थें, छुं थ्वइ च्वं थें, छुं न्वाना च्वं थें ।

अले थज्यागु हे पला तल छक्वः सिद्धिदासं, छक्वः योगबीर
सिंह, छक्वः छक्वः धर्मादित्य व बैकुण्ठप्रसाद लाकौलं । तिमिलां वं
थिइसाथ जः पिचा थें छुं सनाहल, छुं हाला हल, छगू हलचल
थें पलाखं थ्यूथाय् तक कम्प वल, न्यासि वंगु बां सिइदय्क ।

हानं अले छपला म्ही कवि चित्तधरं तल—गुरुजनया पलाखे
छपला मेगु दतना । योसि थें बराय्धंगु पला—गन न्हात लँ दइ
वन, गन थिल चिं तइवन । अले पला न्हात पलाया ल्यूल्गु
पला, हानं पला, असंख्य पला—छगू सिद्धिचरणया, छगू
फत्तेबहादुरया, छगू । व्याक पला छधीजू थें माःहन
आधुनिकताया परम्पराय् । आधुनिकताया परम्पराय् परम्परा
हे आधुनिकता थें जुया दिपा कइच्वंगु पला थ्व कविता—
थक्कर गाःया च्याम्पति थें चाहिल खालि चाहिला च्वन ।

अकिं छपला १०७३ दं तल । १०७३ दँया पला, पला थ्व
'छ्वास' या सृष्टिया पि-मेगः ज्वना वल । परम्परां ल्हाना ज्यले

धुंकुगु पलाया द्योने 'छ्वास' या पला अवश्य नं छगू मेगु हे
न्हूगु युगं तःगु पला थें मूर्तिमान जुल । अले उकी हे जीवन
हना कवितां वर्तमान नाप कुलिचिन, वया सुख-दुःख,
आशा-असंतोष, परिहास व विरोधाभास नाप; वया
अन्तरद्वन्द व विद्रोह व आक्रोस नाप ।

इलं दिपा मका ।

न्हागु युगया कवि नं थःत वहे युगे व्यक्त याना भवि-
ष्य ज्वनेत स्वइ । थमं भोगे यानाच्वंगु समाजे हे सासः
ल्हाना स्वायत्त स्वइ । थ्व प्रकृयाय् कवि थःत छ्यली तर वइगु
भाषाय् समवेदनाय् ज्वँसाय् व दृष्टिकोणे समकालीन सः गुलि
थ्वइ; युग सापेक्ष सत्यं गुलि हा काइ; उकी गुलित जीवन
लेहे पुई; आधुनिक परिप्रेक्षयात पूर्वाग्रह व अन्धविश्वासया
घेरां पिहाँ बना गुकथं ग्रहण याइ थुकी हे समकालीन आधुनि-
कताबोधया सार्थकता दै । आधुनिकताया बोध छगू व्यापक
चेतना ख; व्याकक अभिव्यञ्जनाया स्वरूप, समकालीन
जीवन व प्रवृत्तिया संपूर्ण यथार्थ परिवेशयात कःघाना व्यक्त
जुइगु तीक्ष्ण अनुभूति । थज्यागु आधुनिकताया बोधे
कविताया मान्यतानं हिलावनी— वइगु सौन्दर्यबोधया चेतना,
वइगु भावबोधया दृष्टिकोण, वइगु वस्तुबोधया पृष्ठभूमि, वइगु
ग्रहणशील आदर्शया सत्य ।

धुकथं रूप व वस्तु निगुलिया परिवर्तनं हःगु न्हूगु पई,
न्हूगु समवेदना, न्हूगु दृष्टि व न्हूगु यथार्थया समष्टिरूपयात
न्हूगु कविता धाय्मा । न्हूगु कविता खालि शैली मखु, खालि
विचार मखु । थ्वइगु हा जीवन खः, चो खः थौंतकया दुने
मनुखं यागु उपलब्धि । धाथें धाय् धासा कविता थःहे ला
व्यक्तिया नुगः दुनेया प्रतिक्रिया सिवे छु हे खः ? अकिं वइगु

व्याक्त चेतनात्मक क्रियाया परिवेश मीगु जीवन व मी स्वाना चवनागु संसार खः, थवइत हे व्यक्तिया अनुभूति ग्रहण यायां अथवा थवहे अनुभूतिया विभिन्न स्पर्श (क्षमतानुकूल) मूर्त जुइगु कलात्मक अभिव्यक्ति कविताया रूप काई ।

थव सत्य खःसा कविता जुइवं हे कविताया दायित्व पूर्वनी मखु । थवइगु दुने मेगु नं छुं सत्य दु धइगु प्रष्ट जुइमा । नत्रसा कालिदास वा शेक्सपियर अथवा सिद्धिदास वा शेलीया कवितां लुधने मागु खः । थथे छाय् लुधके भकुत ? लिसले वइगु सत्य हे जि स्वयं कविता खः ।

थज्यागु हे लिसः मीसं नं माला चवना । थव लिसः थहां पिहांवना मखु; थःत छ्यला चवनागु समाजं समस्यां संकटं लिचिला मखु; थव लिसः मालेमा समकालीन सन्दर्भ दुनेया जीवन-क्रमे, अले मनुखे; वइगु मतिनाय् स्वाना चवंगु संसारया अनियन्त्रित गतिविधि व वस्तुस्थिती । अन हे थौंया कविता दुबिना चवंगु दै, अन हे कविताया मनू, कविताया सत्य ।

मनू हे मनूया पुचले नं मनू मालेमागु शून्यतां वातावरण चिचाय्धन । ह्मिगया विश्वासं धौलाह्व थौंया मनू, थौंया आस्थां चिना यानाचवंह कन्हेया मनू, कन्हेया अनिश्चिततां संशंकित वर्तमानया मनू, मनू थव—ह्मिगे, थौं व कन्हेया स्वापू—वइके विश्वास मद्यधुंकल, वइके भलसा मद्यधुंकल, वइके आस मद्यधुंकल; व छह व्याप्त पीडा, छह शून्य लहर, छह निस्तब्ध चेतना, छह खालि सः मदुगु विरोध । अवरोधया गती न्हाना चवंगु वइ गसा न्यवः न्हाय् ल्वाना चवंगु

वीरता. च्यो जुइत पुरुषार्थ केनाचवंगु बलिदान, अस्तित्व तंका सेवा याना जूगु त्याग, छं मदय्का न्हाय् तइचवंगु तक्मा, थःत कुंका स्वतन्त्र धाय्मागु विजय,— मनू अन हे ला दु, अन हे गनं ल्हाना चवंगु. गनं तना चवंगु, गनं सिना चवंगु । थःगु हे आस्था विश्वास श्रद्धां प्यन्हंफ गम्ह मनू, थःमहं दय्कातःगु थःगु हे मान्यताया चुपि थःत गःक्यूम्ह मनू, मनू गुलि विचलित ग्याचिकु आक्रान्त व असन्तुष्ट । अकिं निराश—निराश, चिन्तित—चिन्तित, छुं तं थें, छुं फू थें, छुं बू थें साप हे सशक्ति, साप हे सन्त्रस्त ।

विज्ञानं मनूतय्गु अपोलं समस्या समाधान यात खः, अपोलं सुख—सुविधा बिया ज्या छिका बिल खः, नापनापं न्हून्हुगु समस्या व संकट न्ह्यबना मनूतय्गु दृष्टियात जक मखु हरेक वस्तुयात प्रभावित याना मेगु हे संदिग्ध संसारया नं रचना यात । निगूगु विश्वयुद्धया घापा कोमलावं, थुंगु व स्यंकुगु गाः मजावं हे स्वंगूगु विनाशया तैयारीं स्वइगु जक न्हकुसँ तिमस्वाइ ? थुकथं वैज्ञानिक प्रगति व उपलब्धिया सन्दर्भ दुने नं संहार व पराधीनताया भावबोधं इःहःपनाचवंपि मनूत खना धाय्माली छाय् थुकी आस्था व विश्वास तथा हानं हानं मनुखं गःकीकेत स्वइ ? राजनीति क्यूगु धोलय् मनुष्यता हे बाकूदला वं थइचवंगु ल्वापु, पिकइचवंगु समस्याय् ब्वति कया छाय् थःगु मिखाय् धुलं छवाकी ? बुद्धिकासाया गति थें थःत मागु कथं छ्यलेगु सिवे राजनीतिं छु यात ? अकिं अनास्था अविश्वास अस्वी-कृतिया मनोभावनां हाकाल धासा धाय्माली, थव मनूतय्गु दों मखु, आधुनिक परिस्थितिया दैच्छा खः । जि स्यू— थव अनास्था— अविश्वास थौंया युगया तःधंगु सरा खः, दकले

तर्धंगु विकृति । तर याइ छु— हरेक मौनवीय प्रश्न व समस्यायात वम बा युध्दं व्याकृत न्ह्यचिला च्वंगु विश्वयात वं छु लिसः बी ? न्ह्यागुं वस्तुयात राजनीतिया कयकुंगु थासाय तया उकिं हे दाना वइगु भाः याइगु व मू तइगु युगयात वं छाया स्वीकार याइ ? छह मन्थात वादे लना, वाद घेपुया मन् वान्छवइच्च्वंगु केकुं नुगःयात गय् नाला काइ ? गुकथं त्वादलाच्च्वंगु मानवताया संकटं व घोषित निर्विवादी निर्णयया विवादग्रस्त वातावरणं चुलि जाइच्च्वंगु खण्डित सत्ययात आदर्श दयका अनुसरण याइ ? समस्या मदुगु समस्या न्ह्यथना, समाधानहीन समाधानया वः कया मन्तयत् उकी हे तकरका हिस्याना च्वंगु, धौलाना च्वंगुलि धवइगु लिसः बिल अनास्था व अविश्वासं । धाय् धासा स्वायत्त स्वेगु धव छगू क्रिया खः, छगू प्रकारया विद्रोह, दुनेनिसं पिज्वागु आक्रोस, छगू दूरस्थिति । न्हूगु परिभाषा व अर्थबोधया क्रमे अस्वीकृतिया विभिन्न रूप सहज जीवनया उपभोग व मानवता उपलब्ध याय्ग आशाया प्रतिक्रिया जक खः ।

थज्यागु हे लैय् छपला तयत् स्वत भाजु पूर्णबहादुर बैद्य नं । 'छ्वास' पिहाँ वना फिउँ दुने मेगु युगान्तर हइगु न्हूगु रचनाया अभावे छगू प्रकारया गतिरोध थें वइच्च्वंगु सृष्टिया शिथिलतायात सरासुं व्याका व्यूथें ताया । खला पाठकतय्गु नुगः थिया लोमंके मफइगु कथं प्रभावित याय् फुपि कवित धव काले सृष्टि मज्जुगु मखु । इमिगु देनप्रति अनुगृहित मज्जुगु कृतधनता जुइ । तर विवाद खः छगू परस्पराय् मेगु परस्पर छुना कविताया दिशा हिलेगु खँया । अकि स्यल्लासां नं प्रचलित

घेरां पिहां वया समकालीन, जीवन व काव्य प्रवृत्ति कवितायात न्वाके मफुगलि कविता लिक्कन । उकी गति मखु छगू किसिमया स्थिरतां थाय् काल । थुकथं कविताया सृजनशील प्रतिभा खरं नथें दिना च्वंगु भीगु काव्यया स्थिरताय् 'सरासुं' हानं मेगु जीवन हया मेगु हे प्रवृत्तिया सूत्रपात यात । थथे धायबले गुलिसिया मयेकु । ख नं प्रस्तुत सफू पिदने न्ह्यो भीगु न्ह्योने यानेइने थज्यागु किसिमया निपूपेपु कविता पत्र-पत्रिकाय् प्रकाशित मज्जुगु मखु अथे हे 'गाजलं दागु चा ला' १०८६ दँय मुद्रित रूपे हे वय् धुकत । तर मुद्रणया दृष्टि लिपा लासां नं तबि १०८४ दँया श्रेष्ठ सिरपा त्याके धुकुगु सफूया मू स्वीकार मयाय्गु युक्तिसंगत जुइमखु ; निदँ न्हापा च्वंगु जक मखु सिरपा त्याकुगु धव अन्तरयात गय् लोमंके फइ ?

सरासुया विशेषतायात छथाय् मुंकेमासा जि थथे धाय्-

दुराग्रह अथवा समर्पणया भावं मखु अतृप्ति व अपर्याप्तताया दृष्टि वस्तुयात न्हूगु अर्थ व व्याख्याय् छ्यला सार्थकता बिल ।

समकालीन जीवनया संकट, संक्रमण व अवमूल्यनया भावबोधयात आस्थाहीन मनःस्थितिया सन्दर्भे हना जीवन व मनुष्यप्रतिया धारणाय् छगू प्रश्नचिन्ह घाका फेरकथं विचा याय्गु दृष्टि बिल ।

शैलीगत अभिव्यञ्जना सम्बन्धी उपकरणया आधुनिक ज्वलं ज्वना कविताय् विकासया नििति, व प्रयोगया नििति आधुनिकतम सम्भावनाया लुखा चाय्का बिल ।

कविता धातू कथं 'सरासु' ख्यातुगु निस्तब्धता
 चुं'क तज्याय् न्हो चिरिक्क संगु वाइगु सःया प्रथम
 चरण खः । अकिं अतास्थाया भावबोधं भुनातःसां
 थवया हासयात संकेत या तथा भुलिभुलि पिज्वइ
 च्वंगु आस्थाया सः भविष्यया निति बः जूगु दु ।

थथे,
 संगु बागु शून्य, चिरिबागु एकान्त, नसं फागु अन्धकार,
 विरोधं खइच्वंगु मौन-थव थौया थौं, थनसं दु; व दु धइगु या
 आभास हे लासःनि सरासु ।

अकिं कविताय न्हथना धाय् । अथा विश्वामित्रं थें
 लुखाय् युग वया फवना च्वन । वा, मीसं थःत वइगु ल्हाती
 लःल्हाय् । वइत हे थीत आजु दय्का वर्तमाने छपला
 भेगु तय् ।

कन्हेया प्रसूतिइ
 अजिया खा खिउँ थमजुइमा
 इतिहासं,
 न्हिला जातः च्वय् दय्मा ।

— कृष्णचन्द्रसिंह प्रधान
 ताहाचः

पासा मुनाया थःगु खँ

पासा पोसा मुनाः न्हावलें खँ ज्वी । मीसं छुयाय्
 माल धयागु न्हसः पिहाँ वइ । अप्पो पासा पिनि पाखें मां
 भाय् प्रति छुं यायगु इच्छाया चुलि जाइ । गुम्हं मे हालेत
 मे मदु गाक्क; गुम्हं मे भेगु भाषाय् थें मीगु भाषाय् उपन्यास
 गबले दै; गुम्हं मीत थनिगु न्हू न्हूगु धंगयागु कविता मदुनि
 नाना तरहं थःगु नुगः खँ वइ ।

थुकतं खँ जक जुजुं लांतां दं दं विइ । तर
 अभाव धयागु चाय्के जक माः समाधान थः थमं हे क्वमिलु
 जुयाः वःखनी ! थव हे अभावया गर्भं पासामुनाया जन्म
 जुल । वि.सं. २०२२ या वैशाख १ कं थवयात ध्वालिं ध्वालिं
 वियाः ताय्तिता याकल ।

तर थुलिं जक लुमधन, पासामुनां धिसि लाक पलाः
 छिइगु मनसुवा क्यन मुकिया दसु खः श्रेष्ठ सिरपालं छाय्पा,
 पूर्ण वैद्यजुया थव 'सरासु' प्रकाशन ।

पासा मुना

असं भोताहिति, दगुवाहा

धलः

१ सुथ जुयवं	१
२ संतप्त फिसलय दनाः	३
३ वर्तमान	५
४ प्रगति	८
५ मां वौ नापं	११
६ किचः जि दुया छगू दसु	१४
७ जीवन	१६
८ बंगु दिन लुमंका	१६
९ कविया क्वथा	२१
१० जि तना चवना	२३
११ दुःख खना	२६
१२ जितः गुलि मछि	२८
१३ जि मचावल्य	३०
१४ जव सपू चा वयां शुन्य लुइ	३३
१५ जिगु छेय्	३६

१६ सूर्योया मतिइ	३६
१७ ई वइच्चन शहीद लुमंकेगु	४१
१८ सपू न्हिनय् स्वानाच्चंग दिप	४४
१९ चाया दुःघा	४७
२० खुसिचा	५३
२१ न्हूसतकय्	५५
२२ थव लँ खः	५८
२३ आशनांदाजु	६१
२४ ह्याउँ निभाः	६४
२५ जि मास्तर	६८
२६ छपुजा ! न्हूँ !	७२
२७ जिगु लँ	७६
२८ गोरखापत्र	७६
२९ थौं जि निष्कासित	८४
३० तिमिला	८७
३१ घांजाहः स्वइपिं रुच्च	९०
३२ जि स्वय्	९७
३३ जिगु सपना	९८
३४ जि व जिगु विश्व	१०१
३५ तुति खनेवं	१०५
३६ थौं जिगु लँया अपहरण जूगु दु ।	१०६
३७ जि पराजित अपराजित जिगु विश्वास	११२
३८ खवप दे	११५
३९ जि ! ?	१२०

मुथ जुयवं

याकः चो

चछि च्यानाः

मैनमत !

गुलि नुगः मस्यासें

थःत फुकी ।

कन्हे,

सुथ जुइ मलाक

तुयु जः

लिमला फमलां

जिगु कवथाय् दुने थेंक स्वःवइ ।

तर... ..

फुइ धुंङ्गु मैनमत कवसं

शहीदया हिथें

छेफुति, निफुति मैन

ल्यना च्वनि ।

खवखना सलं

जः, भोसुनाः

अनसं चुप्पानइ ।

संतप्त फिसलय् दनाः

धार्थे —

जिगु जीवनय्

आशा—पाल्चा

सिनाः सिनाः नं च्याःगु दु ।

गथे थन चा चिलामवंकं नं

सुथ न्ह्यलं चाःगु दु ।

जिगु देया द्वागसय्
कू ननं जि न्हिलागु दु
छाय्कि मांया मुलय् द्विताच्चं पिं मच्चतसें
चाकःछि ल्हाःपा स्वानाः
गुं, पर्वतं पंक पंक नं
सूर्यो लगु खंगु दु ।

उकिं,
जि थःगु नुगःया व्याकुलता
पनेगु स्वयागु दु ।
थजाःगु संतप्त फिसलय् दनाः नं
मल्हार हाले सय्कागु दु ।

बर्तमान

थव क्षण... !
थव चा ... !
जिगु थव थौं !
म्हिंगं अबतरित
आःयात,
जि वाचुवाला चवना ।

अपरिचित

न्हचः व अले

निगूसिया दथुइ जि

खुँयात थें ज्वना तइम्ह

भव थौयात

चा न्हि च्याकाः

केलफेल—केलफेल

यानाचवना ।

जि थुलिस्यु

थवया प्वाथय् दु

भविष्य गर्भय् सुला

खाः उलाजूगु दु

सभ्यताया किचकन्या थें

केवल भव—

पिनेया वसः तिसाय् हे

चवय् चवय् धायाः

ययथें जूगु दु ।

अय् युगया

नर्स, डाक्टर !

जिगु भव थौयात

गाक विचायाना व्यु,

जिगु खँ थुइका न्यंका व्यु,

कन्हेया प्रसूतिइ

अजिया खाः खिउँ थमजुइमाः

इतिहासं,

न्हिला जातः चवय् दय्माः।

प्रगति

मृत्युं क्वात्तु क्वानाः नं
घाः याय् मफुगु
श्व लँ !

खिउँ डवनाः

हुइत स्वतं

अन्धकारं पयः लिस्सें

खिति तुला भं थिनाः

गुलि लिमला फमलां

वनाचवंगु श्व लँ !

खिउँगु गुफां प्यहां वःम्ह

श्व लँ —

बुद्ध, मार्क्स, आइन्स्टाइनया

अनगिन्ति पलाः ख्वाँथ्या लं फिनाः

बैस जाम्ह ल्यासेचा

कल, कविताया

गुज्जित मे हाला

गलि हथासं वनाचवंगु

श्व लँ — !

जि स्यु —

श्व लँ !

पर्वःया ह्यनय् न्हुयावंगु दु ।

गुँया छाति ह्खनाः नं

पिचाय्काः वंगु दु ।

लँ हे मखा

ध्व गुँ, पाहाड
चा, अन्धकार
फूचाय्का वना च्वंगु दु ।
प्याय्चाःम्ह जीवः थें, जः त्वनेत
द्यवं पनेमफुम्ह
ध्व लँ —
क्षितिज स्वाः वंगु दु ।

तर—अन वना स्वःसा सीदइ
उथाय् नं ध्वया अन्त मदु
केवल सुरु जक ।

मां बौ नापं

ज्याथ विश्वामित्रं थें
लुखाय् युग वयाः
थौं जितः फवनाच्वन,

जित समष्टि हलाव्यु
सिसिया न्या समुद्रय तोताव्यु
पञ्जःया भंगः सर्गतय वयव्यु
थौ जितः व्याकं थः तनाहे
थःत लुइके मागु दु ।

जिमां ! जिबौ !
जितः द्विमिसं बुयाः बुयाः
जिगु तुलि चिमि याय्मते
जितः दनेव्यु, जितः वनेव्यु
पिने लँ वया पियाच्चन
माया ममताया परिमित छेय् कुनाः
जितः सुचुका तय्मते
नगु पाल्वा च्याकाः इलं सःताच्चन ।

लाखय लसिया बाखं न्यंका जक
जितः द्विमिसं ख्याय्गु स्वय्मते
थव गनाच्चंगु सुंसांदाय्
बरु गोलि घुतुकूपिनिगु —
सः प्वंके हिँ, बाखं तनेहिँ ।

अय् ! परिचित मिखा !
थःथितिया नाता !

द्विमिसं न्हिला स्वयाः
जितः स्वार्थया वासिइ फीमते
जिगु ल्युल्यु सुं वयाच्चन ।

ज्याथ विश्वामित्रं थें
लुखाय् युग वया
थौ जितः पवनाच्चन ।

किचः जि दुया छगू दसु

जिगु धव किचः

आलोकया प्रसाद

आलोकया दसि

देहं पिहां वःगु

देहया अनुरूप

जि दुगुया हे धव छगू प्रमाण ।

मत तापायवं —

थरहरि धव किचः

जि मखंक बिस्युवनेफु

ग्याग्यां अन्धकारय् हे तोसुइफु ।

जःया न्होने निडर धवया अस्तित्व

जिस्थू,

मत सतिक जक जि थःत थनेफय्केमाः

किचः उलिहे तःमि जुइ

व्याकं भूमि वय्पुनाः

दः प्रष्ट अभिव्यक्त याइ

किनारं खुसियात थें

जःतिं तिमिलायात थें

जीवन

जीवन ?

अपूर्णया सवाः

अभिलाषया प्रतिद्वन्दि

सपना विपनाया ध्व कुरुक्षेत्र

प्राप्तिया खासखुस —

ध्वया आयु ।

समय सतहे

थन ताः हा गल्लिं गल्लिं

जीवन बाः वइ

थुंदिक—दूषित, दुर्गन्ध

सदां सुथय्

न्वःगु लासाय्, चिकुगु फांगाय्

उसिहिं जीवन दनी

हानं छकः पश्चाताप याय्त्

इइकना कुं मि घुतुकी

कालकुट तोंह —

नीलकण्ठ माधोया पुरषार्थ लाकेत ।

थन जीवन !

थःगु हे विरोधे दनातःगु

मयदानबया मनिमय सभा

सभ्यताया व्यंग कला, कृति

जीवन ?

म्हिगं वाय्हःगु कलः

सुनाः वःगु ल्यं पुल्यं

ध्व सुन्दरी किचकन्याया

ल्वः वंगु आमन्त्रण

पूगु भाजनय् छुनातःगु ओ मरी

जीवन !

चिरिमांया पाख

पुनुखु मैचिया ज्योना व्यालि

सुवासित स्वां खः

सुलुइ हनातःगु

जीवन ?

प्यास प्यासया

ताःहागु जनी !

बंगु दिन लुमंका

पलाःख्वाँय् फुकं छथाय् मुनाः

जिं थःत मालास्वया

क्वथीक वालास्वया

द्योमभिं खुन्दुया किचःथें

बुलुहुं - सिइदइ

जिगु इतिहास ला

व्याकं खतंनल खनी !

परिमित छकूचा भूमिइ
जिगु जीवन देनाचवन
छपे, छजुइ
जिगु बाखं यगानाचवन
जिगु दको आशा
भविष्य भोसुनाचवन
जिगु इतिहास ला
व्याकं खतंनल खनी !

छगू रूपय लेनेत स्वइम्ह सुपाँय थे
या संतप्त फिसलय
फूचायकेत वइह्म खुसिचा थें
पयखें न्यानेत स्वया
जिं थःत तंकाचवना
जिगु 'ह्मिगः' कवध्यंक दुनखनी सा !
जिगु इतिहास ला
व्याकं खतंनल खनी !

जिं स्यू —
वँव हे फुनाचवना
खः जि वना चवना
छायकि जिगु आशा मगंनि
जिगु लक्ष्य मतंनि
धार्थें वनेमागुला अर्थें तिनि !

कविया कवथा

सपू चान्हय —
बँय धस्वानाः
मैनमत च्याइ
थःगु हे जतिइ लयतायाः
थःगु हे जतिइ लालाकया

वया मतिइ

अन्धकार भस्म जुयाचवन

ज्योतिया शक्त कपर्यु दुने

छखे -

कुं कुलामय्

प्रत्येक वस्तुया किचलय् सुताः

अन्धकारं चेवाकया,

सोयाचवन

मैनमत नायावंगु

पतिचाय् मतया आयु निना चवन ।

छम्ह कवि

गुलि हत्पत्

गुलि छत्पत्

मुनुमुनु मुनुमुनु हालाः

छुं रेखा ध्वपिया चवन

ध्यकय् सुखुलिइ प्यपुनाः ।

सपू चान्हय्

वैय् धस्वानाः

मैनमत कयाइ

थःगु हे जतिइ लय्ताया

थःगुहे जतिइ लालाकया ।

जि तना चवना

जि तना चवना

पूगु निभालय्

क्वाःगु लः थें

चां ल्हाःगु वूबः थें

सुकापू मलूह
सुइकाया हिइमिइ
जिगु जीवन
पलाःख्वाँय् तंगु
ल्याः चाः मदुह भुमिया लँ
थःगु हे उदाहरण ।

जि तना च्वना
चाय् वाय् च्वंःह
कं च्वकाया सीत थें
अन्धकारया कपिइच्वंगु
सूर्य भक्ति स्वां थें ।

जि तना च्वना
जिगु सुन्दर मायाया देसय्
जिगु लँय् पलाः तंथें
जिगु न्होने भविष्य तंथें
क्वाःगु विपनाय् सपना गंथें !
जि तना च्वना
धाय्- तंगु लुखा लुइकेत
लँ पनिपि लँपखाः थुइकेत

मो हं ल्हाःगु मिगुलि थें
पासा जि तना च्वना
दिन मौसिमया सपनाय्
पूगु निभालय्
क्वाःगु लः थें
चां ल्हाःगु बूबः थें ।

दुःख खना

भाजंथें चिलिवाउ चाय्
सकथासं अपेक्षित अनास्था-
दुःखत,
जब जब जिगु छेँय् दुस्वः वइ

जिगु न्होने
जिगु छेँय् बाय् पवंवइ
जिं इमित थःगु बोह बियागु दु !
वा ! लसकुस याय्
थ्व लँ धुछि हे
जीवन लाया तयागु दु ।
प्रत्येक दुःखत
दृढतां ल्हनाकेने
शायद् थ्व हे जिगु परिचय जुइ ।
जिं व्वनागु फुकं सफूया भाषा
थुमिगु किचलय् क्वसिना च्वंगु दु ।

जिं गवल्पं दुःखयात घृणा मयाना
जिं ला वइत मात्तुमाला घृणा याना
गुह्यसें त्वत्त्व पुया
केवल, दुःखत जग्म बिल ।

जितः गुलि मछि

चिकुलाय् खोल मदुगु

लासा - फांगा

निभाः मखंगु गलि

अर्धनग्न जिगु कोथाया वै, अंगः

जितः गुलि च्वने मछि ।

इस्त्रि मदुगु

जिगु वसः

समा मदुगु थव खाः

थव न्हू सतकय्

जितः गुलि बुले मछि !

पीच मजुनिगु

छयाकः लँ -

भयतें दायावनीगु

कार मोटर कपि कपि

जितः गुलि जुइ मछि ।

हाँक धाँकया थव जिगु संसार

नय् त्वनैया कोलाहल

धेवाया दुने स्वथ्याःगु जीवन

जित गुलि म्वाय् मछि ।

जि मचावल्य्

जि मचावल्य

द्यो खिउँया वय्वं

मत च्याका मामं जितः

अन्धकार नाप ल्वाय्गु स्यंगु खः ।

ध्व निभाः

ध्व मित्ता

थः च्यानाः—

अन्धकार नाप ल्वाना च्वन

चान्हय्, बुँइ, क्यबय्

गुलि कीत थःगु बळि म्हे च्याकाः

अन्धकार नाप ल्वाय्गु स्यनाच्चन ।

ध्व प्रत्येक सिमा-स्वां,

घाँय्, लपते,

चुपचाप निभाः जति मुनाच्चन

अन्धकार नाप ल्वाय् त तम्सेजुयाच्चन

केवल उतेजनाय् हय्माः

तापय् छु मजुइ ?

रापय् छु च्वनि ?

अन्धकार नाप ल्वाय् त

वेगमयी निर्भरया लःनं च्याय्कु

हाकु सुपाचं न्हसला पिन्वानावःथे

अन्धकार नाप ल्वाय् त

ध्व ल्वहँ आपाय् नं मि मुनाच्चंगु दु ।

केवल ज्याय खेलेमाः

अन्धकारं छयनय् न्हूगु थुइका बीमाः

जि मचा बलय्
द्यो खिउँया वय्वं
मत च्याका मामं जित-
अन्धकार नापं त्वाय्गु स्यंगु खः ।

जब सपू चा वया शुन्य लुइ

जब सपूचा वयाः शुन्य लुइ

पुखुलिइ तःया लहरथे

जब एकान्त न्यांक न्यनावनी

न्ह्यो वयाः मनूतय्गु शंखाया मिखाय मिखाय्
 म्हंगसया मः इउ वइ,
 चुपचाप गुपचुप...!
 नगुतय्गु पाः पहराय्
 वहाताहाँ चाःगु आकाशं
 सुस्त सुस्त सर्गःया छद्म आत्मा
 जिगु धरतिइ क्वहाँवइ ।

निस्तब्धता जिगु जीवन सागरय्
 छगू सःया लहर न्हायपनय् न्ह्याः वइ
 बुलुहुं जिगु क्वथाय्
 सुयागुं ह्य वासवइ, वसः सः वइ
 सर्गःया सौन्दर्य दिव्यता
 जिगु क्वथाय् वँय् अंगलय् त्वइ
 अलौकित ज्योति अन पुलकित जुइ
 जिके होशहे अन वेनावनी
 वइगु स्वांया स्पर्सं जिनं थो जुइधुंकी ।

कामधेनुं अमृत सौगात ज्वनावःह्य
 जि प्रणयणी...!
 तिना तःगु लुखा
 तिसिना तःगु मिखाय, नं थारान्दुइ
 माया व भयया द्वन्द

खितिक सः वय्वं हे तंगुखनेवं
 जि न्ह्याबलें मृतात्माया किचःथे
 न्ह्यलं चाइबलय् हिइसे नुगः फोता गाया चवनी
 जीवन दथुइ नं मृत्यु लहिना-
 जि चां व्वना हइगु न्ह्यो पियाचवना
 अले जिं सराः बियाचवना
 थव पूगु निभाः यात
 फाकु यर्थाथया यति यात
 शालि न्दिथे दिन पनेत ल्हाः ल्होनाचवना ।
 तर, जि खनाचवना
 पुरुषया युग युगया पापय्
 सूर्यो भं मि जुया चवन !

जिगु छेंय्

संसारय् तः जाःगु
जिगु ध्व देश
पाहाड पर्वःया कपिइ
संसारय् चि जाःगु
जिगु भिखा छेंय्

बिश्वासी ग्वंगः

चवापु चक्काय् निभाः खना
जिगु न्होने बराय्चाय् थें
लिसा लिसा कयाः हाली
जिं खना चवना सीत खसु
भं भं कवे कवे कवग्यला वनाचवन ।

पहर पहर वयाः

न्हिछिया ई ल्हयायंकी,

आसकुति पंक्षिया सः

स्व स्वं सुनावनी

हालेगु तापानावनी -

निभाः पर्वः फुसय् फुसय्

चवापु गुँया छति म्हाय् तक

वया न्हिलाः ख्याःयाई म्हातिइ ।

उकुस मुकुस

ताःताः हाकःगु चा पियाः

ग्वंगःया सलं

जब जि भया चाय्के

अन्धकारय् बुलाचवंगु खसु दुब्बानावइ

केवल खवाउँगु खसु !

ल्हाः तुति व म्हुतुनं कुर्किगु खसु !

बुलु जः चत चत बंकाः

जिगु मिखाहे न्हुयाः न्हुयाः

जुजुवःथें क्वथाहे त्वपुवइ

निभाःया तपस्याय्

थःत तंकीपिं थ्व-

जिगु भयाः लुखा स्वां-सिमा

छुयाय् चुपचाप-

खसुयात हे बाय्बिया ज्वन ।

ग्वंगः अजनं मिखा तिसिनाः

जोर जोरं नाराविइ,

ल्हाः पोकलंम्ह म्गडीया ऊजुर

गताछूः याः थें -

निभाः बिनावनी ।

विचरा ?

थकित थकित ग्वंगः !

तुति छपा ल्होना

चछि पश्चाताप याइ

गर्भित छयं पपू दुने सुलाः

हानं वइच्चंगु धिसिधागु चाय्

खुव घुरेजुया विचायाइ ।

सूद्योया मतिइ

चुपचाप तिइजक

गुं पर्वःया लिउने

ख्वाः सुचुकाः म्हुकिकाः

पाहाडया फुसं बुलुं ल्हाः छवया

सूद्योया चायात त्याप्प ज्वनेगु इच्छा

अन्धकार त्वकेगु मति ।

तर, अब्रुम मंगःत
 त्पारतिर त्पारतिर हाताविइ
 पुलुपुलु सोइच्चंपि नगुत खुरर न्हिताः दुसुइ
 ल्हाःतं छुं मथुइवं
 गुं कपि तिइजक मिखानिगः जक खनेदयका स्वइ
 चा ला हत्पतं खिउं घयसुनाः
 माः थाय् थेंक विस्युवने धुंकी
 अले सूर्यो गुच्चकां घुसुहुं थहां वयाः
 गम्भिर पहलं ताः हाकः सासः काइ
 फहे मस्वसें हानं लिउवनि
 थः पाखे स्वयाः सूर्यो वःगु खनेवं
 हेपे याय् थें चंखमिखाँ चा उसिहिं विस्युवनी
 म्हितेथें सूर्योत चाः चाः हिक्की
 उवने मफइगुनं इजतया खं
 थथे सदां सूर्योया—
 ख्या वछि नी वछियाना चा ल्यु जुइ ।
 मोल्हुइ मयःपि जिन्हा मत्तसं
 मांःपिन्त तुं देगः चाः चाः हुइकथें

ई वइच्चन शहीद लुमंकेगु

जिगु छेंय्
 जिगु मिखाय् जाय्क
 ई वइच्चन
 शहीदया लुमन्ति बेकुंच्यानाः
 खः दिन वइच्चन
 शहीद लुमंकेगु ।

आशां जिर्ण
 शहीद स्वप्न !
 सरां कः गु बाखंथें
 चाद्यु जुयाच्चन
 मन्त्रालये, शिन्नालये
 थव गल्लि, सतकय्
 बुँइ खुसि सिथय्
 मानु सुनां थियाः
 वइत साकार यानावीथें
 थय् दँय् दँय् लिथवया
 शहीदया स्वप्न !
 सुथ वहनी
 भुतुलिइ भुतुलिइ
 खवः वइच्चन !

चिकुलाया ताः ताहाकः गुचा
 जिगु लुखाय् पिउवइच्चन
 छुं सः स्युम्ह जि
 मखुथें न्यंक थन त्वह मोयाच्चना
 केवल बाय्च धाना
 कर्तव्यनिष्ठ जि
 थय् लंय् थ स्वया जुयाच्चना

जि मतिइ
 सुनां बाखंजक कनाब्यु
 वरु थन मत्तहे
 गुलि उत्सुक,
 गुलि जागरुक,
 खः हानं दिन वइच्चन
 शहीद म्हसिकेगु
 शहीद लुमंकेगु
 ई वइच्चन थव
 त्याग व साहसया पूजायाय् गु ।

सपू न्हिनय् म्कानाच्चंगु दिप

गंसिगु खुसिइ

न्निमाःया सहश्र छुरि

तोसुइथें क्वा क्वां हे फुइ थें

तप्त जगत !

गुलि संतप्त जीव

त्वहं बगः

मंगु हः लपते

गंगु सर्ग

चुई चुई पूगु वं

सपू न्हिनय्

सकतां पू-

हप हप निभाः

बछि बछि सीपिमनू

न्हिनय् नं सकस्यां न्ह्योवः

दिप थें दे !

सक्वः या तज्यागु सः

सीबाजं थें

वा वां खागु वुं,

निजीव छेंय्, सतक

अहो ! थव गपाय्चवः म्हाइपुगु !

छगू हे ताल !

उदास, उदास

लें नं शुन्य-

लाखय् लसिनं सखापयाग

दन्त्यकथाया देशथे

भिजां वं !

जिगु पलिचवय्
सुपाँय्या लँ मदु
न्हसलाया बाय्मदु
गन केवल उष्णताप दु
थव स्यथाक्क पूगुन्हि
जातः थ्वयाहे ताहा
ताहाः थें हे
थव छाःगु निभाः
छम्ह छम्हसिगु चःति
तिसिनाः त्वना च्वंगु दु ।

आश्चय !
अयनं सर्गतय् सुपाँय् मलू
फेरलया सिध्दान्त —
थन चुइ फैमखु
गन थुलि तापथेनानं
धाकु वय्मकु ।

चाया दुःघा

न्हावले —

चान्हे,

सपू चान्हे

सुनसान गोमुनेवं

व आकाशया नगुत नापं खँ ल्हाइ ।

वया नुगल्य क्वसिया च्वंगु

स्वप्निल भाव

सस्नेह पित्तु पिया

पुत्तु पुइका —

सुनान ताइभनं

चुपचाप सुमुकं

व चान्हे,

शुन्य चान्हे !

सर्गः या नगुत नापं खँ ल्हाइ ।

वयागु हृदय

खालं तागुथें

कँथं कःगुथें

कःगु कथात

सकलें देनेवं

खवविइ पव पव

वं चाया गाःवंगु शुन्य प्वकैहइ ।

चा वयागु खवविइ ज्वयाः

मलाहां न्ह्यः वय्की ।

न्ह्यावले —

चान्हे,

सपू चान्हे

सुनसान गोमुनेवं

व नगुतनापं खँल्हाइ ।

भयातुगु जीवन !

सराक गंगु तृष्णित वैस

अबलाया खिउँ इतिहास

घालं हिथें

वाः वनाच्चन

चाया ता हाकगु आयु

थःगु जिउ दिका

न्हिया न्हिथं

चान्हे —

सपूचान्हे,

सुनसान गोमुनेवं

वं नगुत नापं खँल्हाइ ।

त्वालाहां च्वंगु मिखा

व्हाताहां चाःगु भयालं

चा फपुइवं —

एकान्त खातुया वनेवं

वयागु कोथाय्

आकाश क्वहां वइ

क्वाः भाजनय् ओ थें

फाता फाता पुला

वं इमित थःगु बिरह बाखं इनाविइ ।

सर्गः यात बाखं ककं

चाहेन्या खाऊँ फसय
वं थःत तंकावनी
दोलंदो नगुत
वयागु खविइ दुनाः
खविइ जाःगु मिखा
चिम चिम, चिम चिम
वया जः ख वया
चछितक खविइ ।

श्व रंगबंगु जगत !
बिवेक तोफिउपि मनु !
म्वायगु हे वयागु छगू लवय !
सम्पूर्ण वयागु सुख-निषेध !
वयागु आशा आकांक्षा-प्रतिबन्धित
अपराध पापया नामकरण !
द्यो तुइवं-वयागु श्रम
छखा छेय लिलाम जुइ
उयाय भेलुना सासः काइ
उकि न्हिछिया झुकाः
चान्हे प्वंकी !
न्हाबलें न्हाबलें -
चान्हे,

सपू चान्हे

सुनसान गोमुनेवं
व नगुतनायं खँ ल्हाइ ।
वयागु सुख दुःख कनेम्ह
छम्हं छम्ह आकाश नं
सीम्हथें देनाचवन !
बाखं थुलि हे -
लयंगु जीवनया
व न्हाबलें -
चान्हे,

सपू चान्हे
सुनसान गोमुनेवं
नगुत न्हापं खँ ल्हाइ ।
न्हाबलें ... !
चान्हे..... !
सपू चान्हे ...!

खुसिचा

न्यनेदु कविताया मोलय्
मनूतय्गु मः मदुगु म्हुतुसिइ
खुसिया कलकल लय्तामे
गुलि मुक्त थः यः यः थाय्
हुररर हुररर न्हिलाः तिति न्हुयावनी
यौवन मत ल्यासेचा थें ।

तर जिगु मिखाय्
तसवीर थव मलू
जि खं—

खुसिया हामोगोछि स्वतन्त्रतानं
वइगु ल्हातिइ मदु
पर्दा दुने घरानिया मिस्तय्थें
पलाचा पति बैया प्रमांगिमाः
बिना आज्ञा अनुमति
वया संगु वःछि ने
उखे थुखे सनेमदु ।
अयनं वाः वनेगु कानून दु
थन स्वाय्गु अधिकार थें ।

गृहमया संतप्त निभा
सपू न्हिने पूगु वजार जः खः
सने मफु ख्वालं
उसिहि पवजुइम्ह बुरिया पलाःख्वाँय्
बैकावंगु मुलिनलि ध्यके जनी
स्वाँय् स्वाँय् दमल्हाना
खुसिचा न्ह्यानाचवनी ।
पादाडया कपि
गुँया दथु दथु
मछि मछि निगूसिं कात्तुकाका

नां हे तनिसाभयं
 पूगु वैय्,
 पूगु निभालय
 मलादां सुसुं खुसिचा वाः वनी यः मयः,
 जिजु जीवन थें
 वर्षाया छगू स्वप्न ज्वनाः
 विद्रोह, निर्माणया आकांक्षा घानाः
 जिउंतिउं खुसिचा स्वानाचवनि
 वयागु जिउ त्वनाःम्बाइपिं
 भो भो खाइबैसिमा, कै मांग
 वइत हे वाः जुया दनाचवनि
 संताप तंकाः सिचुकेत वःम्ह
 प्रायः गंगु खुसिचा !
 डिप्रीतया स्वः—
 वइगु म्ह हे गुलि चुँइ चुँइ पू !
 थिइक वनाः स्वः—
 प्रत्येक गम्भिर लुफिय
 बिचरा ! खुसिचा थुंनांचुया
 चिच्छादनाः लवहँ चवय् चवय् थेंक तिन्हुइ
 अन्धा जगत !
 वइत कया सुनांस्वगु दु !
 न्हाय्पं बिया न्यनास्व
 शायद ताय्दइ,
 कुलुकुलु कुलुकुलु नुगः स्वगु ।

न्हुसतकय्

वहनी—
 जाथुइलय्
 जिगु न्होने न्होने
 लँ धुछि धुछि
 बजार इरुथुरु जुइ ।

निगूसिइ को को पसः
प्रतिस्पर्धाय् ध्वातुध्वाना
रंगीन ताः ताहाकःगु
मतया न्हाय्कनय्
बजारया सुन्दरितथे
पालं पाः थःत वरःवइ ।

अफिसय् वनेन्धो
छेय् लिसा लिसा कया न्यंकिगु मागत
जिगु लुमन्तिइ च्वास्स च्वास्स
पिइक भ्युवइ
न्हाथासं पेपुनिगु च्वाकिं मिस्त्रा
इमूया लैय्थे
पसःकवः पति
प्यानुक खँ ल्हानाचवनी ।
अनायास हे वेनावंगु
जिगु फुकं लहाः फूकं मन
तःत जाःगु म्हेचाय् दुने
काँ-गालय् कुतुवंम्ह मनूथे
गुलि बिबस
इतिमिति कनाचवनी ।

सुइतं हेका मखु
छुं ज्वनावइ धकाः पिनाच्वपि
आसकुति मचातय् न्ह्योन
सत्य प्वलाः
अलय् जि धाय्माः
संक्रान्ति वइतिनि
क्रान्ति जुइतिनि !

श्व लँ खः

श्व लँ खः

केवल वनेगु

मेगु परिभाषा हे छु ?

श्व लँ खः

पलाःत थन जीवन माःवइ

श्वया अतित्व नं

पलाःखय्हे परमित

निखे निगू सि

लँ ववंथाय् वनाच्चंगु दु

कमजोर ध्वदुइवं

लँया अस्तित्व हे नुनेत

लँजुवाःया बेहोसय् वग्लिमारात थें ।

श्व लँ खः

थन सुखदुःखया थाज्या यनि

मजिउम्हथें हंकन तापाक चवनाः

लिलिचिलिम्ह लज्यालु सुलिमय्जु

उत्सुकता भं तुतिया प्रेरणा

श्व लँ खः

केवल वनेगु

मेगु परिभाषा हे छु ?

श्व लँ खः

थन मौकात इसः थिसः जुइ

सफलता आय्बुक पिनाचवनी

तुति सः जक बियावा
सर्प नं चिलावनि
छाय वया नं ज्यान दु ।
मनया पाहाड नं
थन थेनेवं फिगःचा जुयाचवनी
श्व लँ खः
केवल वनेगु
मेगु परिभाषा हे छु ?
श्व लँ खः
थन दम नं श्रमं पचय् याइ

वं लिसें वनेमास्ति वइगु
श्वइत पतिम्ह हे सु ?
तुति खः श्वइत न्हुइम्ह हे सु ?
ई धुसिलुया हे वनेव्यु
दिपाः हे तनेव्यु
तर श्व लँ खः
केवल वनेगु
म्बानाचवनागुया दसु
थुक्रिया मेगु परिभाषा हे छु ?

आसनांदाजु

आसनांदाजु
जीवने जोबन द्याःम्ह
चितासू मथ्याःम्ह
सुनानं मनाःम्ह
ध्यके गुन्द्रि
दुःख—गथि
आसनांदाजु !

म्हासुगु पाछै हः
वयागु रवाः
गा, दम्फो
नेपालया माय्प
केरमेर केरमेर
दुःख पीडा
अनगिन्ति रेखा
बिबषताया छाय्पा
आसनांदाजु !

वयागु आशा
ल्हातय् च्वंगु
चीहाकगु चुरस थुथा
छखला थ्वं अय्ला
म्वाथःगु छजु लाकां
उदेश्य केवल
थःगु हे छखा छेय्
छक्कः बुँ !
तिपेक छछाक
ला ब जा
छम्ह पासा !

आसनांदाजु
म्हये प्वकलंम्ह ज्यामि
एकादशि, पुन्ही
पत्रा स्वयम्वाःम्ह
धर्मभिरु !
आसनांदाजु

दैवया भरोसा
वयागु भाषा
स्पुत्तिक, टान्जेष्टर
छुं धाय् मसःम्ह
खिउँगु क्वथा
आसनांदाजु !

हि मगाःम्ह
हि मक्काःम्ह
आशनांदाजु !
छपे छजु
गवल्यं थिक्कमजू
कतः ह्यमचाय्क
दुःख कंजू
आसनांदाजु !
छगू उपहास
छगू चुनौति
म्वाना च्वंगु
थौया बाखं
आसनांदाजु !

ह्याउँनिभाः

पाहाडया लिधंसाय
पाहाडया लिउने कपिं
चुंपाकचांथें—
तुइँ तुइँ स्वयाम्वाइपिं अन्धकार !
लैय् लैय् लेनाच्चपिं वच्चिगाः, ध्याचः
स्व स्वं—

बुलुहुँ बुलुहुँ—

निभाःबिइ ।

बिइ न्हयो छकः

सूर्योया तच्चवतं पश्चातापं कया इकुइ

वया मिखा हे बुलुयावनी

वनेन्हो पश्चिम सर्गःया लाछिइ न्यांक मंगःत

चिल्लाय् मिल्लाय् दना हाल्यवं

व धरति खाः कुतुंबनि थें खिउँके वं

वं थःगु गौरब महत्त्व लुइकी

सुथया जीवन हःया कपिं कपिं ज्वयाः

स्वां नाप सुलाकासा म्हेताः फुकागु

न्हिनेया ताः हागु आयुनं

यौवनमत्त सूर्यो खालि सागरया न्हाय्कं स्वयाः

फुकागु

सदांया ल्यासे, सदावहार वाउँगु गुइँ जक

मिखा वंगु ।

चाहिलागु हिसाब याइ,

पश्चातापं पुना भन सिथिल जुइ ।

बिइत्योम सूर्योया थःतहे चिकुथें चवनावइ ।

खाः छगूचाय् मत्तय् मित्रिकागु लुमंकि

थः मनं याय्फुगु ज्या,

याय्मागु ज्या

घालय् हिथें लेहँ बुयावइ

जीवनया श्रान्त लँजुवा

तिसिहिं कुहांवनी

न्याक जगतय्
बुलुहुं बुलुहुं निभाःविइ ।

वनेत्यय् का ज्याथ सुर्घोया नुगःसाप हथाय्चाइ
अले ल्यंदुगु निभाः

हथाय् पथासनं—

सिमा—स्वांमा, घांय्, लपते

न्होने लाथाय् स्वस्वथंकि

कि काय्त्तय्त्तं निभाः पवनेविइ

अन्धकार पित्तनेगु न्हाय्पनय् न्हाय्पनय् वनाकनी

लैय् जुइपित्त मिखा विइगु थुइका विइ ।

बुराया शंका आशंकाय्

तलय् वैगलय् चवंम्ह संध्या मय्जु

वसः विइमफुम्ह ससबौयात

गन्ताय्मदुपि भौमत्तथें

तमं हुसु हुसु कुहां वइ ।

कमजोर खनेवं,

थःगु न्होने जगाजग

ता ताः हाःगु किचःया च्वाफि

वैय् स्वारस्वार निभाःपुनार्थकि

धूहोँ थें पर्वः च्वकाय् च्वकाय् थेंक पुनाछोइ !

जाथु ई—

आकाश छगुलिं,

जःया धुपवः दनी ।

थथे सकतां स्वयाः

सकतां ध्वाथुइकाः

पित्त ल्वचं सिथिल सूर्घो

अगराधि थें ख्वाः ह्याउँकाः

विरक्त थें नोमवासें

वैय्, अंगः, पलि व सुपाँय, वः कया

बुसु बुसु न्या न्हां

बुलुहुं बुलुहुं—

निभाः विइ ।

जि मास्तर

जि मास्तर !
यंगु परिचय
दंगु मर्यादा
दंगु शब्द
मच्छयंगु छगू लिसः
मानो जि हे छगू लँ

जि मासर्प
भविष्यया फोटोग्राफर
मस्यंक फक्क वांलाकाः
किपा कायंगु रूपविङ्ग ज्या
तर मौसिम
द्यो मभिं
ध्व बर्तमान
पिति पिति पिति पिति
सदां वा झरि
लाइट मगा खिउँ वुलु
ल्फासमदुगु क्यामरा
खिउँ कोथाय्
चहक मदुपि मच्छ !

थौंया पाठ
भोजन !
सन्तुलन आहार
भिटामिन प्रोटिन
ला, न्या, खेँ
दुरु, ध्यलय्
आत गंपि मच्छ
चबुइथे चवंगु लहाः तुति
सुलाःई घुतुकूगुनं सिइदु ।

हापटाइमय् तुसि छकू
 नवःगु जाकि, नवःगु वसः
 जीवन नवःगु
 जि मच्च !
 जिगु आशा
 जिगु भविष्य
 इमिगु चचकंगु मिखाय्
 प्रश्न जायक गोमुंवइ
 च्वाम्हुक, च्वाम्हुक !
 तर जि मास्तर
 केवल सफूव्वंकेगु ज्या
 व्याख्याया पसलय्
 छाक ड्यानाः
 छ्येँ खवयाः
 सफू न्याइपिं थ्व मच्चतय्
 थुमिगु आकांक्षातय्
 मानो जि ध्वंलानाचवना
 थःत तोपुया
 उदाहरण मुचुका !

जि मास्तर
 रंग वंगु
 अंग भंग मेच तेबुल

थुथा चक डस्तर
 जिगु अतित्व !
 घन्टि जितः
 दुकाइ, पिकाइ
 पिकाइ दुकाइ
 जिगु क्लास जायक
 भविष्य वया फेतुनाचवनी
 जि मास्तर
 मच्चतय् भाग्यरेखा
 सदां संक्रान्ति निनाजुइम्ह
 सदां संक्रान्ति हथाय्म्ह ।

म्हणुजा ! न्हूँ !

न्हूँ द्या भितुना !

शुभ कामना !

घापा जुइक

ग्वाखनं कुतंवया

सुखलिइ चत्वानाचवनी

मुर्छित मुर्छित जिथाय् वपिं शुभकामनात
छगः छगः आखलय् कय् कय् पुया सासरहाइ
थः मत्तथें जि काचाकाचां कया ग्वाखने तय्
जिगु मिखा तय्गु ग्वाखनय्
मत च्याकेगु ग्वाखनय्
मानों थव ग्वाखं जिगुहे नुगः खः ।

न्हूँ दँ ! ईया लः धाः
जिगु भाग्यया दोकय् फय्थें
जिगु छेँय, जिगु दे हसिका वइचवन ।
ख्यें तछ्यानाः खाचा बूथाय् ध्वदूगु
प्रत्येक सूर्यो लूथाय् लूगु
लैय् लैय् थुइछा कयागु
जिगु आशात, विस्वासत
थथे लां लां बिकाःमुना तयागु
मानो गरीबया लाहि छसुका, छम्हों -
थव म्हंगसत-आकांक्षात
न्हूँ द्या खापा मचावं हे
धितुमतु धिनाः भवःछुइ ।
खिउँ बलेंनसं जाकिकाय्त थाय् कयाचवनिपिं
न्होले व्वाव्वां पियाचवपिं बुरा, बुरी मिसा
मत्तथें
छगू आकृति
छगू रूप आकार काय्त
नां दरता याकेत—

लक्ष्मीपुजा, म्हपुजा वया पाल्चा च्याकी
न्हू दॅया खापा चाय्की

जिगु आशा अभिलाषाया हुल दनी ।
तर, यम्हे... !!

न्हू दॅ... ?

थः हे रूप विहीन ?

वसः वसःया न्हू दॅ खनेवं

नुगः चिक मिनी

जिगु आशात

शिशिर खनेवं हे सिमा हःथें

ह्यासुयावनी !

दॅय दॅय थये अहो !

जिगु म्हं छहः निहः यायां,

आशात हायावनी !

बुलुहु तनावनी लुमन्ति लखयन्त !

मयः धायकं सिउचा हैम्ह

मचाबुद्ध मिसाया अन्तर पिडित खायात

ताः ताःपाक बुइ वाखवतं तुतिइ कचिघाः जुइका

लक्ष्मी पुजाया दथु दथुं

छमना वामना वा मुं जुइपिं

साखीं दमाइया मत्तयत्

अले न्हिंछिया सळिं मयाक

‘ह्यपुजा’ नेनीपिं मस्तय् तृष्णातयत्

जिं गय् थुइका विइगु ?

न्हू दॅ वलधका ?

अजागु केनेगु हे छु दु ?

चिं हे छु दु ?

न्हूदॅ थव धका !

गो वाताय् च्वंगु खेँ सगं ?

गो स्वांभुइ च्वंगु चाकुसि, संतलासि ?

मन्दःया न्होनेनं मत्तयगु खाःया चहक

कुतुवंगु दु ।

थव अनाकृति, —

थव अदृश्य ल्हातयगु गोम्भिर लुटमार ।

थव व्यवधान त्वर्काथें स्वया

अय् जिगु—

ला, हि-ल्हा, तुति !

छु जिं पशुथें सहायायगु ?

वेँ थें न्हिलयगु ?

न्हू दॅ वलधका ?

गंगु पाल्चाय् मत सिनाच्वंगु दु

इता मिलापू मिलापू जुया

छु जजंका छपु !

कार्डे छगू !

न्हू दॅ या उपहार ?

म्हपुजाया इतिहास ?

जिगु लँ

जिगु लँ

धुँ-कासा थजागु

स्वःगु सुकाग्वारार्थे

स्वस्वतिइ चःचः वूगु

मछिं बचिंगा गल्लि ।

निभाःया लिथु

अन्धकारया गः

थन प्रकाशनं है

थ स्वयावःपि

थुना चुइका दइ

थन खँपिनं

काँ जुइ यः!

जिगु लँ

समस्या समस्याया स्वापू

प्रत्येक लाँम्प पोस्त

प्रत्येक सन्दि

न्ह्यसः न्ह्यसः ?

थन घण्टाघर मदु

स्वयत्त —

कम्पास मदु नेनेत

वय् सय्केमा।

वय् नंकेमाः

लिसः थुलिहे दु ।

जिगु लँ

सुखं लोमंकूगु तँ

दुःखया थव पसः बजार
खतराया व्यापार ।

जिगु लँ
जि वनेगु थाय्
छेँ वनेहथाय्पिं
थनं वा
थेनालि धाइ
'सतिइ गपाय्सं'
अय् सुबिधा तंपिं
तव्यागु सतकय्न्ला
लाथाय् दुर्घटना च्वनाच्चंगु दु
खिउँसा मतच्याकी
गन गन जूसा
का ! जिग ल्हा ज्वं ।

गोरखापत्र

गोरखापत्र
म्हुतुसिइ लालि
'सर्वे भवन्तु सुखिनः
सर्वे सन्तु निरामयाः'

ख्वालय् सिन्ह
सुधार निर्माण
उद्घाटेन शिलान्यास
भाषण प्रबचन
देशया ख्वाःपाः
सुन्दर सुवास
किरिम पाउदर
चुरि नकिं
मडरन गल्स
गोरखापत्र !

आवश्यकता
ताइपिष्ठ, वहीदार
पिउन, कामदार
पद, योग्यता, तलब
तलब !
जिगु मिखा
चवं कवय्, कवं चवय्
लिमलाक व्वांजुइ
वंगु इन्टरभ्यू बोविका
धुलं कूसां
गिलि गिलि यानां स्वजुइ
खालि सिटे

पद योग्यता
तलब..... !
दर्खास्तया म्याद !

आशाया स्वापू पतिकं
वाखं छपु स्वाइ
वइगु दिनया ख्वाः न्हिली
अयनं छता मगागु योग्यता
इन्टरभ्यूया हुलय्
स्वप्न फतपूली
दुरुइ कचिगर थें
प्रत्येक स्वापू नायावनी
भविष्य तोफी
तर हानं सुथय् वहनी न्हुसतकय्
गोरखापत्र पिहांवइ
न्हू समाः, न्हू वसतय्

गोरखापत्र
खितिपें दुनेम्ह
नुगः कुंकुलामय्
दासिवःगु पीडा उकुस मुकुस
यानय् इनय्
छगू निगू खवरय् लेंबुइ
जिगु कविता थें ।

जाकि कावपिनि हुल्य
 बग्लिमारा उवनी
 म्हिगः चान्हय् गोकर्णय्
 वाज्यः वंका छेँ वम्ह लाहुरे छम्ह सिइ
 जहान, माया, जोवन मियाहःगु नोटे लाका काई
 सदां थे थौनं सुथय्
 न्हूपुखुलिइ युवतिया लाश छगू लेँ बुइ
 सदा थे पुलिसया ज्या लयनि
 अन्नाभाव, बजारया भाः
 रेडियो कार्यक्रम
 देशया उन
 गोरखापत्र !

म्हिगः भेतनामय्
 निरपराध प्वाथेदुपि मिस्त
 म्हिताच्चर्वपि मच्च
 सलं सः वां खायाःसिइ
 अमेरिकाया तमय्
 जापानय् न्युकिलियर पन्दुब्बिया विरोधय्
 विद्यार्थीतय्गु जुलुस
 यु यनय् बहस, भोट
 वं वयात वं वयात देशारोपण
 विजारोपण थे !

जीर्ण लवय्
 जगतया सासः !
 गोरखापत्र
 छगू कोथाय्
 छगू संसार
 हुने पिनेया
 तसवीर -
 तः तः गोगु आखः
 तपाः खुवाः
 गोरखापत्र !

थौं जि निष्कासित

जि निष्कासित
थःगु हे विचारय
जिः निर्वासित
थःगु हे म्हंगसय ।

जि दुने
जि पिने
ख्यः छगुलिं दिप च्याः
शून्य हाय्वं थन
सः नं नालवं — च्वापुः थें
थव अन्धकारय
चित्कारया धाः लद्या ।

सन्धः दथुइ
जि फय्गं
फय्गं दथुइ
छका पञ्जा दबुलिइ
जि सन्ध !

जिगु सत्य शिव
थन हाय्म्व पाहां
वैय् खः दत्तप्रजापतिया मिखाय्
अपेक्षित खः तिरस्कृत
इन्द्रादियोया आस्थाय्

ख्वापाः थिकेगु थाय्
कबिता तमसुकया ल्वापु

आदर—अनादर

अनादर—आदर

विजय घोषित स्वार्थ

तोहया दबुलिइ गुलियाउँ

सकस्यांहे थः पराजित घोषणा !

जीर्णत्वय् भ्वावः जगत

बन्धित सत्, निर्जीव मनू

खालि अपर्ण समर्पण !

श्व शून्य निष्कृतता

मानो थः थसं यानाच्चवंगु

थःगु हे मृत्युया बकालत !

खः थौं जि निष्कासित

थः गु हे विवारय

जि निर्बासित

थः गु हे म्हंगेसय ।

तिमिला

चान्हेस्या लुखाचाः गु ताजाय्वं

न्ह्योमवःम्ह तिमिला

लुमन्ति त्वः फिकेत

मतिना लोमकेत

सर्गतं सुतुक्क पिहां वयाः
आकाशया अनन्तताय्
याकःचा... !
सिचुक चाः ह्युवइ !

सुनसानया लासाय् देनाचवंपिं
ता ताः पागु गुं-पर्व, वुं मैदान
मिखां न्हाय् दक्वो छेँ चित्तिज
क्वथाय् क्वथाय् दहां वया
चुपचाप ... चुपचाप... ।
तोलहं छगू छगू स्वयावनी ।

थौवन पूर्ण चन्द्रमा
मौन...
शान्त...
सौन्दर्य ...!!

मिखाय् ख्ववि ललमलधाः
म्हळिं तुयूगु वसः !
तिमिला... !
अहो ! विधवा... ल्यासे ?

बरोबर थथे
न्होवय्के मफया

सुनसान जुइवं
सिचुक आकाशय् चाः ह्युवइ
मनय् याकःचा खँ ल्हा ल्हां
सदां तिमिलाया चा व्यंकइ
द्यं वने लोमंकी,
अले कन्हे पिहां हे मवसें
न्हिळि द्यनी—

सुथय् न्हापं वया ख्ववि, मसुकाः
व स्वः स्वःथाय्
सीत व खसु जुया—
ख्वया चवनी लेनाचवनी

धांजाहः स्वइपि मच्च

गाः वंगु शून्यय्
 देया मिखां पिने
 इतारे गुँइ दने
 रूसोया युनिभर्सिटी
 बोसया कलेजय्
 वाम्ह त्वथुला
 मच्चतय धांजाहः स्वइ !

छम्ह निम्ह मंगः
 उखे, थुखे थुखे उखे सिमाय ब्वइ
 कीतयगु शून्य प्वाःखनेगु कुतः
 थिइवं मं थानन्त
 तुति पिइगु तफिथे
 शून्य मं खवातुइ
 पत पत सिमा हः हायावइ
 आकांक्षाया तज्यागु स्वःमा, गोंप
 स्वम्ह प्यम्ह मच्चत
 छुसि मामां बुलुहुं
 थः थः तनावनी ।

धांजाहः स्वइपि मच्चतय
 छुसि नाप नाप कल्पना लुइका हइ
 लुमन्ति लुनाः बाखँस्वाइ
 मनं मनं गुथि न्यायकी, पाहां सतिइ
 थः यःगु यक्व नइ
 जीवन्तय लिक्कुंगु धक्का तइ
 न्हिली हिति दुगु छेँ खना
 मिहती याकःचा वनं मनमनं
 केवल निशब्द नुगः लं
 मन मनं डाक्टर सुव्वाया पहः काइ

न्होने मुनातःगु धांजाहःत खुररर न्हिला
 विस्युवनी
 च्वय भंगःतेसं त्वा त्वा त्वाकाः हिस्याइ
 कय्की, हानं काय्की
 ख्याय्त कुतः याइ
 मताःछू यानाः भंगतय्सं हाय्की
 लिस्वय्वं थुवे निभा न्ह्याय मदय धुंकी
 खालिगु बोराय छेँ या मिखा मिखा तमंकनाच्वंगु
 त्वाल्ल खनेदइ—हाकुम्ह भौया थें
 मवाया नुगः भारा भारा मिति बखुंचिया थें
 छुसिँ मुनेमफुखुनु ... ?
 लुमनावइ मनकुसें थेंगु
 लुमनावइ बिगत सासना, समर्पण
 व थमनं पाफयकागु ।
 लुमनावइ ... लुमनावइ ... !
 वथां वथां चखुंचा थें
 भुरु भुरु, भुरु भुरु बोयाः
 निभा सिमाच्वकाय हलय् हलय् च्वंवनी
 सिरर सिरर फय वइ
 नां जक ल्यं दनिगु लं
 पशुपति महाद्योया हर्गण
 जिगु हृदयया कबितात
 हिमालया देशय् थुररर खाइ

लुमनावइ मोटरय् च्वनाः भवय्वःपिं
 मस्तय्गु मुजा, पंजा छेँ गुया भ्वातचा
 लुमनावइ तस्वीर काइगु, मेहालिगु बत्ता !
 हानं फय्वइ हुरुरु हुरुरु
 पेपुने मफुपिं लपते हःत
 फसय् इतिमिति कनाः कुतुंवइ
 मस्तय्गु आशा थें
 भवय् नयगु इच्छा थें ।
 निभाः गुँ च्वकां
 सुपाँय् सुपाँय् चुमकं साली
 सूर्यो वनेत न्यं वइ
 चां न्यंक खिउँ कुंथंवइ
 चिकुक-ख्वाउँ फय् वयाः प्रत्येक चिमसँ थनी
 छम्ह निम्ह यायां
 गुँइ भंगःत ल्यहां वइ
 स्यु स्यु हाल्ला चिस्याः कःघाः मदुपिं मच्चतय्
 लिलिचिच्युं छुसिँ म्वइ !
 अनायास धुं फेवा लुयायंकूगु थाय्थेनि
 उखुनु आःया स्वापू तनी
 भसंक वनी, चिल्लाया दनी
 तुररर भचा विस्यंवनी
 संसार छगूलि अचानक
 धांजाहः म्वइम्ह मचाथा मिखाय्

छुसिं स्वय् मफुपिं मत्त
 दकय् हथाय् चाइ
 दकय् चिकुचाइ
 सपर आवरय् बोडिया घण्टी थें
 इनारे गं थाःगु ताय्दइ
 मत्तय्गु न्हाय्पनय् लिवागुया घण्टी बइचवनी
 रिक्त अफिसय् फोनया रिंग थें
 बुलुहुं मत्तय्गु किचः तनावनी
 मत्तय्गु ह्य बुलुथावनी
 लिवालिस्य अन्धकारं धिनाहःलिस्यं
 इमिगु मन गनावनि, मिखा तनावनि
 गालय् कपि - हथाय् बया धांजास्वइ
 स्वार स्वार, सिर सिर—
 पलख स्वारसिरया सः दिइ

हुरुरुरुर सिरिरररर.....
मदिक फय्वइ
मुनात गु है तन पुइका पुइका यंकि
मत्तयगु जिन्दगी थे
गुइ बेपत्ता हूलेयंकी !

22

चाया नसाः अन गुं सुनसान
अज्ञानया चागः अन गां सुनसान
घांजाहः म्यइह मचाया
मन दुने सुनसान, पिनेगुं सुनसान
अमिगु थौं सुनसान
अहो ! कन्हे भं सुनसान ।

जिं स्वय्

थौं अक्सय्
तिमिला जक मखु
नगुनं तंगु दु।
उकिला चा मुसुकाः
भ्याः मग्वासे
लज्या तोया अन्धकार लहिनाचवन ।
लैं मखु,
बरु थन गनं
छंगु मिखा कुतुंवंगु दु।
किचः मखु,
अले छ हे तंगु दु।
पत्यामजूसा
सलैछपु कियासो
छ नापं हे छंगु किचः दु।

जिगु सपना

जिगु सपना
कोति मनूतयगु
ल्हा, मिखा व नुगलय सुलाच्वंग दु।

जिगु सपना
भव गुँइ पहाडय दुबिउगु दु
हिमाल व थन प्रत्येक खुसि,
कुलुंबिया बा: वना च्वंगु दु।
ल: दाप्पं न्ह्याना च्वंगु।
बा: वनाच्वंगु दु।
जिगु सपना जिके तोसूगु दु

जिगु सपना
थनया ल: फय
वँ आकाशय रूप ह्यूगु दु
मनूतयगु हिनु हिनुलिइ निलिर्त जूगु दु।
निभालय नगुत दुसू थें
भव छिछ्राह बिपनाया न्होने सुलाच्वंगु दु।

जब चा बा: वइ
अन्नाधुन्न खिउँ वागाइ
सर्गया भया: पत्ति हाकुक धर्कि प्यनि,
शून्य कँ हा:गु चाय्
जिगु सपना प्रत्येक वस्तुं तिइसं पिहांवइ,
न्ह्यलय दुहाँ वया थ:गु रूप का:वइ
बिपनाय पराजित मनूतयगु तृष्णित त्यानुगु मिखाय्

ऐ! वा सपना तं पिं
ध्व पाहाड तछ्या वा
गुं छ्या वा!
थन हे सपना दु
धू व्वइया कातर चिन्ता
चान्हेया रूपः
म्हगया धू
निर्धक्क थाः थाः या
थन प्रत्येक वस्तुइ
सपना कानाच्चंगु दु
वय् वय् आतुर सपना
वय् मजिया ल्हाना च्वंगु दु।

जि व जिगु विश्व

जि विश्वनापं वनाच्चना
विश्व जि नापं वयाच्चन
ह्मिगःया ह्मय्न्हुया
जि थौया देशे वया च्वना
तर, जिगु ह्मय्न्नं ह्मिगःया पत्ताख्वाँय् दु।

यःमहि पुन्हिया चा
सुपाँय् मन्ह्यंगु सर्ग
वर्जजोगिनि स्वया ताहागु
न्यातपौ स्वया तस्वाःगु
दँ दँया त्वाथ गया
जि विश्वनापं वनाच्चवना
गनं तापाक देगलय्
आय्बुयाः रूप थ गुहे स्वयत्
धाय्-थःत है व्वेगु
छगू ग्वसालय् ।

आशाया सभाय्
खँया प्रत्येक चरणय्
जिगु म्वाय्गु इच्छा
ता ताः हानावनी
अनन्त अनन्ततक

गुप्तवासी पारडबया धैर्य
भीष्मया प्रतीक्षा
जिगु विपनाय् दुहां वःगु दु
चौरासिलाख जुनि थव
उकिसनं बैस जिगु

गनं तासा फुसा वःगु मखु
जि दुनेला खानि दु अन्यक्त !
जि विश्वनापं वनाच्चवना
विश्व जिनापं वयाच्चवना
सस्नेह भावना
सदृश्य करुणा
र्येस्ये पंगु छान्ति
हरे! चिकुलायनं नांगाम्हे
जिगु विश्व !
जि मतिइ लुइ
थःगु हे वसः तोया पुंके
छेय व्वनायँकाः
भास्तिवइ जितः जिउ बिइ
थःगु नुगःहे बिइ
मां, बौ मदुम्हे विचरा!
म्हय् अहो ! गुलि बम गोलिया दुघाः !
गुकिया घाखू जिगु नुगलय् दु !
जिगु विश्व !
छाय् सुयागुं कछिया इसाराय्?
सा, मे, फइ, दुगुथें
अँ!
थौं जिहे अनाकृति

अव्यक्तता, निसारता
 आकाशया ल्फायस सितिवंगु दु
 समस्याया कालकोठरी
 दुःख, सुखया तिइनं
 खय्फु वर्तमान निष्फल जूगु दु।
 जिगु किपा कायगुलि
 प्रत्येक क्षण सासलय दुहां पिहांजुयाः
 जिगु पलाः न्यूजूगुदु
 भविष्ययात हर हिसाब बिइत
 कठिनताय् जि थ त लनाचवना
 छायाकि-ध्वंलाय्फु दंगु विज्ञापनय्
 छायाकि-थौं जि-जि मखु
 थन सुधा सरां मुक्त मजुनि
 जिगु तपस्या कचि कचि...
 जिगु ?
 जिं छु — गुलि संसारत विइफु!
 घोषणा याय् बाकि दनि !

तुति खनेव

तुति खनेव
 मति लुइ
 जिगु गन्तव्य त्यंदनि
 जितः वनेमागु ज्या यक्को दु ।

भयाः लुखा खनेवं हे
 नुगलय् भवास्स वनि
 जितः पिब्वय् माःगु दु
 थः वं पिनेवना बिइमाःगु दु
 सुयागुं परिणाम लैय् लैय् तिकातःगु दु
 छैय् दैसनाया व्यर्थ धकु ।
 लै हे नापलाय्गु लै
 लै हे मदुसा सुइतं गय् थुइकी ?

जि दुने
 संसार पिने
 परिमितता गुलि उकुस मुकुस
 पिहां मवन्तलेया छगू असन्तोष
 जिगु खवाःया खवाःत स्वय्गु इच्छा
 अथेहे पिनेया जितः लुइकेगु धुकुमान
 धार्थे जिगु रूपला पिने पानातगु दु ।
 जिगु जीवन नं पिने तोफिउगु दु
 अनुभव लैय् वाःगु दु

छै कोथाला छु
 रियलसल रुम मखां
 लुखां पिनेहे-

जिगु लैया सुरुआत जुइ
 उकिं जिगु अभिव्यक्ती पिने
 पिने या अभिव्यक्ति जिके
 जि पिहां मवनेगु-?
 जिगु लै लिक्नेफु
 मिसिने चुकु छगू तनेफु
 लाम्पपोष्टय् मत छप्वाः मच्याय्फु
 स्वार्थरत् हथाय् हथाय् चाःगु लैय्
 छुं अनिष्ठ मजुइहे सुनां धायफु ?

तुति खनेवं
 मतिइ लुइ
 जिगु गन्तव्य त्यंदनि
 जितः वनेमागु ज्या यक्को दु ।
 भयाः, लुखा खनेवं हे
 नुगलय् भवास्स वनि
 जितः पिब्वय् माःगु दु ।
 थः वं पिनेवना बिइ माःगु दु ।

थौं जिगु लँया अपहरण जूगु दु ।

थौं जिगु लँया अपहरण जूगु दु
जिगु सतिगु दको ताःबाः पानावंगु दु
वःवः पहाड हह पंवइचवन
गुं जंगल मनूतयगु छ्यनं छ्यनं जुयाचवन
जिगु दशदिशा छेँ दिइ कुनातःगु दु
भव्य सःतिपि,
चव्य सतिपि
ऐ ! चुलुबुलु इच्छाया मचत !
थन छेँ दिइ स्वान्हे लिक्का तःगुदु ।

किटाणुथें अव्यक्त गम्भीर

सम्भोहन थव जादु थें

गुपचुप गुपचुप—

बिना घटना,

बिना सूचना

(खला खुदग ई चुपचापहे जुइ)

ये ! थन जिगु भविष्य खुया यंकग दु

जिगु मुखया लुट जूगु दु

सीता हरण

चीर हरणया इतिहासय

थौं थन—

जिगु लँया हे अपहरण जूगु द ।

तुतिया सम्पूर्ण असन्तोष कुबिया

जि लँ दधुइ दधुइ—

लँ माजुया कबना

गनूया हुल्य गनू तथें

लँ दयका चवंपिज्यामित

नू नूगु छेँ दनाचवंपि आवात

खासखुस खासखुस न्हायपनय स्वांपुइ

तर ज्यालाय मिखातुं पि ज्यामितयसं छुस्यु ?

अन अनहे जिगु लँ ल्हाःगु द ।

जिगु छेँ यय गः क्युगु दु

गन गन इमिसं महल दनाचवन
 थः थः वनेगु लँ दयका चवन
 काप ल्हइपि भरिया तयसं छुसु !
 गाठया बोक्क हे इमिगु दुगु लं नं
 भिरिभिरि गूगु दु ।
 पसलय पसलय मतच्यायवं हे
 बजारय नेने मजिक उत्पादन हा जुइवं हे
 गन जिगु छयेँ मत च्यागु दु
 गन कि जिगु न्यायगु ल्हाः तोधूगु दु
 सिइमदयक सिइमदयक लय वःथे
 अभिराष्ट विभान्त युग वयाचवन

थौं थन जिगु लँया अपहरण जूगु दु
 जिगु पलाः धुनुवाय लागु दु ।
 जिगु लँ तथे
 जिगु आकाश चयुथे
 जिगु धैर्यनं तोफिगु दु ।
 ए ! उन्माद, अहं !
 संसार छंगु बलया मखु
 छंगु वम्या मखु
 जिगु छयेँ
 जिगु विश्व

ताखँ, ऐ खापा खँ
 जि दमेत -
 हिँ जिगु आकाश जितः हिँ .
 जिगु तुतिया अधिकार -
 जिगु लँ लित हिँ ।

जि पराजित

अपराजित जिगु विश्वास

जिके वक्त्र म्हिगः

मेला याना त्याकाकागु दु

छका पञ्जाय —

थौनं जि मुसुक बूगु दु

घृतराष्टया सभा

सकुनिया पासाय

मानो थजागु खाःलय

जि जोवन पानाचवना

गन जित बुकेगु हे पूर्व निश्चित

खसाः दु ।

अँ जिगु वाखनय् महाभारत पुनरावृत्ति जुयाचवन ।

वेद व्यासया काव्य चुलिजाया वयाचवन

सन्माने ध्वयाः -

जिगु अस्तित्व पिहां वंगु दु

जिगु वास दनावंगु दु

भविष्य मबुकेग भीष्म प्रतिज्ञाय ।

म्हछि तित्तिमिं

तःकह वइचवंम्ह आकाश कवं कवं

चिकुं कयाः बिचेत ह्वाउं थिउम्ह धरति

अन्धकारया प्वाथय्

जि वनाचवना

अव्यक्त जि

अव्यक्त लैय्

धुँया दुरु कावनिम्ह मचा थें

राजकुमार दिगपालया सुतयि

थौं थव जिगु छगू कथंया निर्वासन खः ।

गुप्तवास बनबास नं

जि थःगुहे ल्हातं दाय्गु साहस यानागु दु

थव खिमलाय् हुंगु चाय् नं

थव सरासु मदुगु थाय् नं

न्याबलें न्ह्यलं द्याइगु

ध्व जिगु थःगु हे सर्वेक्षण
 थन तंगु मावंपिनं तंगु हे जूगु दु ।
 हिं कावपिनं हिं जूगु बाखँ दु ।
 मतया जः मडुथाय्
 निगतिनं रहस्य जुइकु
 कांखिउँथाय् जिं थःत नं पचिपचि याय्माले फु
 थौं जि अंग्रेज-साम्राज्यबादं बुना,
 गुफाय् मुलाचवह्न स्काउटिष्ट जुजुया सपना खः ।
 तर.....

जि दन्त्यकथा मखु
 समस्या, दुःख वक्व मुनाहे जिं थौं
 कम्हे वनैगु त्वाथः, त्वाथः छुना चवना ।
 अनुभवया गालय्
 व्यवहारया धलय्
 जि 'सत्य' लुइका हयागु दु ।
 भभिष्य पोचिना हयागु दु ।
 केवल जितः उलाकेनेगु
 कंछिः थाय् मागु दु
 वना केनेगु कंछि ई मागु दु
 नत्र जितः स्वाय्गुभा अर्थ हे छु द ।

खवप दे

खवप दे
 पुलां पुलांगु छपा तसबीर
 इतिहासं लहाना सिइपि
 अज्ञात कलाकारतय्गु
 संस्कारित लहाना ल्यांदिनिगु कवैय्
 स्मारक ध्व अजाजुपिनिग ।

न्यात पौ, न्येन्यापाःमयाः

हृश्चंगु बलिदान कःमिया

पु तनाः स्वां हृथें

अतीतया वास

अतीतया जः

तलेजु द्यो चुक

थन व्यानं सिंहया धुसः ज्वना कायल याइ

चखुं वा मन्हा ग्वाखं चां किसि कवस्वः वइ

पिकासोया प्रेरणा ग्वन्हः

फाय्दया आश्चर्य मिखा

अतीतया छ्म लुमन्ति

खप !

खप दे !

जितः जि मां नं

हेका पाः हिकातकःगु थाय्

जायन्त आटेलास यात

छलं सर्ग कोविका तकथें

इतिहासया सासः

खप दे

थन फुकं फुकं पुलां

लै पुलां, छँ पुलां

मनूतयगु मिखा पुलां

सिमसिम जुजुया बाखं थें

विशेषताहे पुलां

सुनसान लाय्कू

चुपचाप देगः

फय्मसं, चलहल मदु

म्युजियमया छ्म कोथा

कथाया देश

तन्द्राया देश

थन विशौशदी मदु

थन लेसिद्यो नापं हुल पलांग साल दनावइ

संचर्षय् सशक्त !

लेसिद्यो नापं प्रत्येक न्हूगु साल बुइ कवदइ

पराजय अशक्त !

थन फः फलेचाय् पुतुहुं मनूतय्

चुपचाप थःथः आयु ताइ,

राजव जादु थें

सन्तोष सम्मोहन थें

थन पुजाकुथि मदंवल्य्

सूद्यो धुसिलुइ

दाफा भजनय्

चा बाबुवनी

धर्म नापमलापि धर्मात्मा

भक्ति जुजुयाछें

खप दे

सिन्हलं पूगु होम्स !

इनारें छगू दृश्य
 गुचमुच छेँ
 हाप्पः थें—
 मानौ वनेगु लें हे मद्
 थन पस दु,
 व्यापारया लाशय्
 पौगाय् च्वंगु स्वामा सुखू थें
 कला संस्कृति
 जिगु लहाः नतुँ... !
 राजनैतिक...!
 मोटर पार्क, ड्राइवर ट्रेनिंग ।
 जिगु दे...
 आशां घापिनिगु सासः !
 निम्न वर्ग—उसाँय् मदुगु कोथा
 जात्रा बात्रा... ।
 छ खवला थों अय्लाः !
 थुलि हे धक्क !
 थुलि हे लथ्थ !
 म्याद फुगु तमसुक—
 सदां तारीख पर्चा
 चिटि चिटि जीवन
 खप दे !
 उदास, मलिन

कु कोल्ह
 खप दे !
 गनं गोष्ठि लाइजेरी
 फय् वय्त स्वइ
 बुरा तय्गु त्वाकलय
 मिस्तय् पलाः
 छिइत ताकाइ
 सहस्त्र दुर्वाशाया मिखाय् ।
 खप दे !
 थों मनिनि थवइत
 सः स्यु वाकि थाइ
 खौ हेंगवाः सामोँलं पाप थाइ ।
 पृथ्वी चाःमह्युगु थाय्
 मूपुले मफुगु बाय्
 खप दे !
 जिगु छेँ !
 जिगु दे !
 जिगु मतिनाया मूर्त
 जितः माया दु
 उकिं हे हर्ष मदु ।
 खप दे !
 जिगु सम्पूर्ण देया दृशा !
 केन्द्रित न्हातिका
 खप दे !
 जिगु दे !

जि !
 ...
 अतीतया परिणाम
 भविष्यया मूलुखा
 जि ... ?
 न्हू सतक व मखंगलिया स्वापू
 संस्कार व परिस्कारया द्वन्द !
 जि ... !
 मां बौया स्वप्न
 शक्ति - तनाच्वंगु
 मच्याःगु इता
 जिगु भूमिका
 आवश्यकता थौया
 जि - छपु कविता
 जि - दुने महाभारत युद्ध
 पिने - शिष्ट लोकाचार
 बुद्धया संन्देश
 जि ... !
 राजकुमार दिग्पालया सुता
 जि - !
 हाल खबर

जि !?
 जि छन्ह मरू
 जन्म मरण - निगू सिद्धि
 जि - जीवन परिभाषा
 हिमालया कोचा
 युगय ध्वनि प्रतिध्वनि
 सभ्यता संस्कृति ।

जि !
 ...
 अतीतया परिणाम
 भविष्यया मूलुखा
 जि ... ?
 न्हू सतक व मखंगलिया स्वापू
 संस्कार व परिस्कारया द्वन्द !
 जि ... !
 मां बौया स्वप्न
 शक्ति - तनाच्वंगु
 मच्याःगु इता
 जिगु भूमिका
 आवश्यकता थौया
 जि - छपु कविता
 जि - दुने महाभारत युद्ध
 पिने - शिष्ट लोकाचार
 बुद्धया संन्देश
 जि ... !
 राजकुमार दिग्पालया सुता
 जि - !
 हाल खबर
 १२१

जिगु देशया
जि-सराः मनूया

जि-सुवाः मनूया

यू यनया घोषणा

क्षेपास्त्र.....अणुवम् ...!

जि-संताप अभिव्यक्ति ?

जि.....!

चिन्ता ...चिन्ता !!

मखु.

जि ...!

आशा... आशा !!



! - जी

अपुत्र जात

थःगु भतावे वना च्वम्ह सुं मनुयात
सुनांनं तैज्यावथें पूर्णबहादुर बैद्य जुया
रचना खना जि थाह्वा न्हुल ।

जतिल व मछिगु थ्व संसारे म्वाना
च्वने माम्ह छम्ह मनुया थ्व विद्रोह
व छत्पति ख । निरन्तर संघर्षयाना
थ्व संसार छिकेगु व धात्थें यागु
शान्तिप्रद याय्फेगु थुकि वय्कःयागु
बल्लागु विस्वास दु ।

थःगु परिवेश व पेखें यागु गहन
प्रकृति नापनापं प्रखर जुयानं सरलगु
वय्कःयागु शैली जित प्रभावित यात ।
भीगु भाषाय् जक मखु न्ह्यागु भाषा-
यानं थ्व अनुवाद जुल धाःसा ममूल्यगु
तिसा जुइ धेगु जित विस्वास दु ।

सिद्धिचरण श्रेष्ठ

न्ह्यागु ज्या च्वन्ह्याकेत व थकायेत दुनें नं पिनें नं
विसिलाका बल्लाका यंकेमा । थ्व निगुया कपा भचा जक
थहाँ वहाँ वंसां भीसं यानागु ज्या उलि सुथां लाके फइ
मखु । अकि भीगु भाषाया विकास व उन्नति याये धका
भीसं न्ह्याक्वो सिनासिना सनाच्चंसां थ्वयात नेपाया
कुं कुलामय् थ्यंकेगुया नापनापं थ्वया साहित्ये नं गति-
शीलता हये मफुत धाःसा भीगु भाषा प्रेमय् अवश्य नं
छन्ह माखापिखां जा प्यनी ।

भीगु भाषाय् कविता, कहानी, निबन्ध व नाटक
या विभिन्न सफू मध्ये दकले अप्पो कवितायागु सफू दु ।
कविता नं बांजांला मरुगु मखु । थौं कविताया क्षेत्रय् न्हूगु
पहलं गावक हाकया वयाच्चंगु दु । गद्य कविता च्वय् मात्रं हे
न्हूगु पह जुइगु मखु । शैली, विचार, भावना, अभिव्यक्ति
आदि नं न्हूगु पहलं समय नाप पाचिने वनेमा, अलेतिनि
भीसं न्हू धायेजो । भाजु पूर्णबहादुर वैद्ययागु 'सरासु'
कविता मुनाया न्हूगु प्रयोग, न्हूगु शैली, न्हूगु अभिव्यक्ति
व न्हूगु पहचह लेहे लेहे पुयाच्चंगु सी दयेक खनेदु ।
नेपाल भाषाया कविता क्षेत्रय् थ्व सफू तधंगु देन खः ।
वय्कलं थ्व सफूया द्वारं भीगु भाषय अभाव पूर्ति
यानादिल, गुगु पला न्ह्याकादिल उकिया निंति
वय्कःयात न्ह्याको धन्यवाद बिउसा मगा । वय्कःया पालें
नेपाल भाषाया उन्नति व विकासय् आपालं आशा याना ।

प्रेमबहादुर कसा

१८-७-२०२३

केल